

Publication : **Kosmo**  
Date : 31 August 2012  
Section : Niaga  
Page : 51  
Headline : Hua Yang Bakal Lancar Projek Bernilai Rm815 Juta

## Hua Yang bakal lancar projek bernilai RM815 juta

**KUALA LUMPUR** – Hua Yang Bhd. (Hua Yang) bersedia untuk melancarkan projek harta tanah bernilai RM815 juta pada tahun kewangan berakhir 31 Mac 2013 dan telah memperuntukkan lebih RM300 juta untuk pembelian tanah.

Ketua Pegawai Eksekutif dan Pengarah Eksekutifnya, Ho Wen Yan

berkata, pihaknya telah menjadualkan satu siri pelancaran projek kediaman pada tahun kewangan ini.

“Sehingga kini, kami telah melancarkan beberapa projek bernilai RM212 juta pada tahun kewangan semasa di Lembah Klang, Johor dan Perak,” katanya dalam satu kenyataan yang dikeluarkan di sini semalam.

Wen Yan menjelaskan, sehingga kini, syarikat mempunyai simpanan tanah belum dibangunkan seluas 306.4 hektar dengan anggaran nilai pembangunan kasarnya berjumlah RM2.2 bilion yang mana ia boleh menampung usaha pembangunan harta tanahnya selama enam hingga lapan tahun lagi.